
“ОТАМ-ОНАМ ВА МЕН – СПОРТЧИ ОИЛА”

Олтиариқ туманидаги “Олтиариқ” спорт мажмуасида “Соғлом бола” шиори остида “Отам,онам ва мен-спортчи оила” спорт ўйинларининг вилоят босқичи ўтказилди. Унда туман-шаҳар босқичларида ғолибликни қўлга киритган 18 та оиладан 68 нафар иштирокчи қатнашди.

Мусобақа якунига кўра, 1-ўрин Қўштепа тумани “Катта Болтакўл” МФЙ йиғинида яшовчи Шерзодбек Мамарасуловлар оиласига, 2- ўрин Ўзбекистон тумани “Бозор Яйпан” шаҳарча фуқаролар йиғинидан Жаҳонгир Маҳмудовлар оиласига, 3-ўрин Олтиариқ тумани “Жўрак” МФЙ да истиқомат қилувчи Аҳроржон Қодировлар оиласига насиб этди.

Бир гуруҳ оилалар қуйидаги номинациялар бўйича ғолиб деб топилди. Фурқат тумани “Болтакўл” маҳалла фуқаролар йиғинидан Тусматовлар оиласи “Энг аҳил жамоа”, Қувалик Отахоновлар оиласи “Жамоанинг ғалабага бўлган ишончи”, Бувайда туманининг “Чўмбоғиш” МФЙ дан Имомалиевлар оиласи “Энг яхши сермазмун ижодкор жамоа”, Фарғона шаҳридаги “Ибрат” МФЙ да истиқомат қилувчи Маҳмудовлар оиласи “Энг тезкор ёш жамоа” ва бошқа кўплаб номинациялар ғолиблари муносиб тақдирланди.

Мусобақада номинация ва фахрли ўрин соҳибларига “Маҳалла” хайрия жамоат фонди вилоят бўлими томонидан эсдалик совғалари, диплом ва спорт кийимлари топширилди.

2017-07-25 18:36:24